

SCRIPT OF EVENING GOJRI NEWS BULLETIN 24MAY 2025 1700HRS

اونینگ گو جری نیوز بلیٹن مورخہ 24 مئی 2025

یوہ آکا شوانی جموں بے نصرت تے طارق ابرار تیں خبر سُنو۔

HEADLINES

۱۔ وزیراعظم نریندر مودی نے نویں دہلی ماں نیتی آیوگ کی دسویں گو رننگ کونسل غی صدارت کرتاں واں ریاستاں ور عالمی معیار گے مطابق اک ڈھانچہ نانہ تیار کرن ور زور دتو۔

۲۔ حزب اختلاف کا لیڈر راہل گاندھی نے پونچھ گو دورو کرتا واں گولی باری کا متاثرین نانہ تعاون دینگی یقین دہانی کرائی تے کہیو جے لوکاں کی آواز پارلیمنٹ ماں چائی جے گی۔

۳۔ صحت کی وزیر سکینہ اتو نے کہیو جے عمر عبداللہ کی قیادت آلی سرکار سماج کا تمام طبقات کی ترقی واسطے انتھک کم کر رہی ہے۔

۴۔ انگلینڈ ماں ہون آلی ۵ میچاں کی ٹیسٹ کرکٹ سیریز و واسطے بھارتی ٹیم گو اعلان شبہمن گیل ناں بنایو گیو بے نوو گیتان۔

PM NITI AAYOG

وزیر اعظم نریندر مودی نے تمام ریاستاں تیں کہیو ہے کہ ہر ریاست مانہ کم از کم ایک ایسو سیاحتی مقام تیار کیو جے جو عالمی معیار کے مطابق وے، تے جہاں تمام سہولیات تے انفراسٹرکچر موجود وین۔ یہ گل انہوں نے آج دہلی میں نیتی آیوگ غی دسویں گورننگ کونسل میٹنگ کی صدارت کرتیاواں کہی۔ وزیر اعظم نے کہیو کہ اس تیں قریبی شہروں غی وی ترقی وے غی تے وے بھی سیاحت کا اہم مراکز بن سکیں گا۔ وزیر اعظم نے مستقبل واسطے تیار شہراں ور زور دتو تے کہیو کہ بھارت تیزی تیں شہری بن رہیو ہے۔ اگر مرکز تے تمام ریاستیں مل کر ”ٹیم انڈیا“ کی طرح کام کریں تاں کوئی وی مقصد حاصل کرنو ناممکن نہیں۔ جموں و کشمیر کا وزیر اعلیٰ عمر عبداللہ وی دہلی مانہ نیتی آیوگ کی اس میٹنگ میں شریک ہو رہیا ہیں۔ انہوں نے ایک سوشل میڈیا پوسٹ میں کہیو کہ وہ میٹنگ میں جموں و کشمیر کا مسائل تے ترقیاتی ترجیحات نانہ اجاگر کریں گا، تے اس خطہ کا منفرد چیلنجز نانہ حل کرن واسطے زیادہ تعاون کی اپیل کریں گا تانجے سب غی ترقی ممکن ہو سکے۔

LOP POONCH VISIT

کانگریس غا اعلیٰ رہنما تے لوک سبھا مانہ حزب اختلاف غ الیڈر رابل گاندھی نے اج پونچھ غو دورو کیو تانجے حالیہ سرحد پارگولہ باری تیں متاثرہ خانداناں تیں ملاقات کرسکیں۔ جموں کشمیر تیں وزیر جاوید رانا وی اُن غے ہمراہ تھا جناب رابل گاندھی نے نقصان زدہ علاقاں غو معائنو کیو تے رنج و غم غو اظہار کرتا واں جاں بحق افراد غا لوا حقین تیں تعزیت کی تے مکمل تعاون غی یقین دہانی کر ائی۔ اُنہاں نے ایک سکول مانہ طلباء تیں ویں ملاقات کی ذرائع ابلاغ سنگ گل کرتا واں رابل گاندھی نے تباہی غی شدید مزمت کی تے کہیو پونچھ غی عوام غا مسائل پارلیمنٹ مانہ چایا جیں غا تانجے فوری طور ور امداد فراہم کی جاسکیں اُنہاں نے مزید اس طرح کہیو۔

TIRANGA YATRA KATHUA

حُب الوطنی غا شاندار مظاہرہ مانہ کٹھوعہ غا ہیرا نگر مانہ ایک بڑی ترنگا یاترا کڈی گئی جس مانہ سرحدی علاقاں غا رہائشیاں نے قوم تیں اپنی غیر متزلزل یکجہتی غو مظاہرو کیو یہ ریلی پارلیمان رُکن وجے شرما غی قیادت مانہ کڈی گئی جس مانہ لوکاں نے قومی چھنڈو چایو تے وندے ماترم تے بھارت ماتا کی جے غا نعارا لایا۔ یوہ یاترا مقامی لوکاں غا دلاں مانہ قومی پرستی تے اتحاد غی روج غی عکاسی کرے، جہیڑا ہر حال مانہ اپنی فوج تے ملک غے نال کھلا ہیں۔ اس موقع ور گل کرتا واں پارلیمان رُکن وجے شرما نے اس طرح کہیو۔

PM MKB

وزیر اعظم نریندر مو دی مُلک تے بیرون مُلک رہ ریبہ بھارتی شہریاں سنگ پلک 25 مئی نانہ سویرے 11 بجے آکا شوانی ور من کی بات پروگرام مانہ اپنا خیالات سانجہ کریں گایاہ ماہوار ریڈیو پروگرام غی 122 ویں قسط وے غی۔ یوہ پروگرام آکا شوانی، دور درشن، اے آئی آر نیوز ویب سائٹ تے نیوز آن اینر مو بائل ایپ ور نشر تے ٹیلی کاسٹ کیو جا نے گو۔ اس توں علاوہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینلاں ور وی براہ راست نشر تے ٹیلی کاسٹ کیو جا نے گو۔ آکاش وانی اس پروگرام غی ہندی نشریات غے فوراً بعد اس نانہ علاقانی زبانان مانہ وی نشر کرے گو۔

SAKEENA HEALTH AIDS

شمولیتی ترقی واسطے سرکار گاعزم ور زور دیتاں واں صحت، تعلیم، تے سماجی بہبود کی وزیر سکینہ ایتو نے کہیو جے عمر عبداللہ کی قیادت آلی حکومت سماج گا سارا طبقات کی ترقی واسطے انتہک کم کر رہی ہے۔ وزیر موصوفہ نے کولگام گا ڈی ایچ پورہ گا دورہ گے دوران معذور افراد ماں مصنوعی آلات تقسیم کیا۔ وزیر سکینہ ایتو نے فلاحی اسکیمیاں گے ذریعے حمایت جاری

رکھن گی یقین دہانی کرائی تے پورا خطہ ماں پچھڑیا طبقاں توڑی پجن گی اہمیت ور زور دتو۔ اس موقع ور خطاب کرتاں واں وزیر سکینہ ایتونے اس طرح کہیو۔

CS LAND RECORDS

چیف سیکریٹری اٹل ڈولو نے زمین غا ریکارڈز نانہ ڈیجیٹل بنانے غا کم غو جائزولیتا واں ریونیو ڈیپارٹمنٹ نانہ ہدایت دتی کہ اس بڑا چیلنج نانہ سنجیدگی تیں لیں تے مقررہ وقت مانہ مکمل کریں۔ انہوں نے جمعیندیوں غا ڈیجیٹلائزیشن، نقشوں غی ویکٹرائزیشن، ریکارڈ رومز غی جدید کاری، پرانے ریکارڈز غی اسکیننگ تے زیر التوا منتقلات غی اپڈیٹ جیسا کماں غی پیش رفت غو جائزو جائیزو لیو تے زور دتو کہ ریکارڈز بالکل درست تے بغیر غلطی کے درج کیا جنیں۔

ARTO RAMBAN

سڑک حفاظتی اقدامات نان تیز کرتاں واں موٹر ویکل محکمہ رام بن نے پورا ضلع ماں ٹریفک قوانین گی عمل آوری یقینی بنان واسطے مہم تیز کردتی ہے۔ اے آر ٹی او کلڈیپ سنگھ تے ان گی انسپکٹراں گی ٹیم نے مہم کے تحت ٹریفک قوانین گی خلاف ورزی کرن گا عادی افراد ناں نشانوبنایوتے گڈیاں کی فٹنس۔ دستاویزگی ویلے سر تجدید۔ اوور لوڈنگ تے زیادہ وصولی گی روک تھام ور توجہ دتی۔ اس مہم گو مقصد ڈرائیوراں تے ٹرانسپورٹراں ناں ٹریفک اصولاں ور سختی ناں عمل کرن بارے جانکاری دینوتھو۔ آکاش وانی گا خبراں آلا شعبہ سنگ گل کرتاں اے آر ٹی او کلڈیپ سنگھ نے اس طرح کہیو۔

INDIA TEST SQUAD

انگلینڈ ماں کھیڈی جان آلی 5 ٹیسٹ کرکٹ میچاں گی سیریز واسطے شوبہم گیل، ناں بھارتی ٹیسٹ کرکٹ ٹیم گونووں کپتان تے رشب پنت، ناں نائب کپتان مقرر کیو گیوے۔ ٹیم ماں کروں نیربھی شامل ہیں جیہڑا ست سال بعد قومی ٹیم ماں واپس آیا ہیں۔ جدکہ سای سودرشن ناں وی واپس بلائیو گیوے۔ پنج میچاں گی ٹیسٹ سیریز واسطے ٹیم ماں چنیا گیا کھڈاریاں ماں یشسوی جیسوال، کے ایل رابول، سائی سدھرسن، ابھیمانوی ایسوارن، نتیش ریڈی، رویندرا جدیجا، دھوری جورل، واشنگٹن سندر، شاردول ٹھاکر، جسپریت بمرہ، محمد سراج، پرسدھ کرشنا، آکاش دیپ، ارشدیپ سنگھ اور کلڈیپ یادو شامل ہیں۔

ANNOUNCEMENT

علاقائی خبراں آلا شعبہ آکاشوانی جموں غی طرفوں ضلع کٹھوعہ واسطے عارضی نامہ نگاراں
یعنی پی ٹی

سی غوپینل بنان خاطر درخواست منگی گئی ہیں۔مجوزہ پرفارمہ ور عارضی نامہ نگار غی پوسٹ
مانہہ دلچسپی رکھن

آلا ایسا امیدوار درخواست دے سکیں گا جہیزا ضلع کٹھوعہ گا بسنیک وین تے اُن غی عمر غی
حد 24 براں تیں

براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا 50
صحافت غا شعبہ

مانہہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو
مقرر کیو گیو ہے۔

اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ
تجربو وی

ضروری ہے۔عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے
جے ضلع صدر دفتر

کٹھوعہ یا اس تیں 10 کلو میٹر غادائرہ غے اندر رہائش پزیر وے اس سلسلہ مانہہ درخواست
غی بارڈ کاپی

ضروری دستاویزات غے ہمراہ ہیڈ ریجنل نیوز یونٹ آکاشوانی پنجترتھی جموں مانہہ بڑات خود
آئیندہ 15جون توڑی دے سکیں۔ اس بارے مزید جانکاری ویب سائٹ

ور دستیاب ہے۔www.newsonair.gov.in
